



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Leobardus C. 18. Ianuarii.

urn:nbn:de:hbz:466:1-44055

ribus animi oculis arbitratur, aream esse aucupis videt laqueis undique obiectam: scire percupidus, quis hos effugeret, responsum accipit, qui animo demisso esset. Subinde Martyrū pugnis cum actor adesse non posset, spectator adfuit, & hortator, iudicique sepe in veste candidā obvius mortem nequicquam ambiit, eremo pugilem sibi deposcente. Illic cum ageret, à Constantino filiiſque Imperatoribus persæpe litteris salutatus, vicissim eos officii sui commonefecit, & à suo ad divinum tribunal crebrò iussit advertere. Natus annos C. & V. ista suis suggessit documenta: Viverent quotidie morituri: quotidie melioris animi proposita novarent: JESVM assidue suspirarent: hoc nomine clypeo in hostem uterentur: hæreticorum familiaritatem fugiendo effugerent. Sub hæc mortuus anno à partu Virginis CCC.LVIII. vitæ præconem magnum Athanasium habuit, uti & hæredem pallioli sui laceri quidem & detriti, sed quod virtutem sciret tegere. *Ex S. Athanas.*

Ecce venatorum spiritualium quot sunt laquei ad capturam animarum toto orbe diffusi! hos tantummodo evadunt, qui mundum ipsum dedignantur amare, illum secedendo spernunt, ejusq; concupiscentiis abdicatis DEO in spiritu militare proponunt. S. Laur. Just. de Contempt. mundi.

S. LEOBARDUS C. 18. Januarii.

IN ingentes opes natus LEOBARDVS ad nuptias non tam invitabatur, quam cogebatur à parentibus, quas tamen mors utriusque interturbavit. Filius sponsus, ubi iusta his persolvit, ad germanum proficiscitur. Sed hic tum fortè ebrius neque agnoscere frater fratrem velle, quin contumeliosè acceptum

acceptum fide minimè germanâ hospitem domo exigere. Hic LEOBARDVS, dum noctem sub dio agit, cælumque ad faces suas contemplatur, Certè inquit, hoc non excludet, nisi aditum ipse mihi interclusero. Et quousque demum servitutum mundo ingrato hanc serviam? nunquid non mors ipsa parentum ad pileum vocat? nolentes mundo mortui mori me volentem docent. At innumeras opes numero. nempe quas pater heri, ego hodie, cras alius numerabit. Sponsa mihi est. Mater scilicet bella mihi, & lites pariet. Et ubi tunc castissimi nunc animi lilia? morientur hæc; & ego Superis tam nobilem odorem inuidebo? Ergo tibi hunc mentis candorem, ô cælum, tu verò terra, res tuas tibi habe. Exulabis & tu animo nostro. Irasceris? prior exclusisti. Hæc secum LEOBARDVS, mox rectâ Asceterium; ibi ipsos duos & viginti annos angustiis cellæ inclusus aditum ad se mundo vicissim negavit, neque tamen vel talis sine prole in cælos abiit. Reliquit post se virtutem nobilem filiam & vobis, Sodales Parthenii, locandam. Cur abnuitis pauperè ducere? dabit cælū dotē. *Ex Sur.*

Non in nobis flamma libidinis aestuet, non turpis cogitatio pulchram animam nostram coram DEO speciem jactet. Non nos terrene facultatis abundantia in superbiam erigat, non tenacitas misericordie viscera pauperibus claudat: Vigeat in nobis perpetua castitas. S. Pet. Dam. serm. 65.

S. LAUNOMARUS ABB. 19. Iannarii.

EGalliâ est hoc lilium, quod manu tenes. Multa inde in rosaria Mariana transferemus; interea isto oculos oblecta. Nascitur ergo LAVNOMARVS anno post natum Servatorem vigesimo supra